

Guangjisi Minzcu Bau

ganhhau: CN45-0036 B.2017 Nd.2 Ng.8 liggaueq bingsaen nienz ndwencieng cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3260期

Namzningz: Doicaenh "Sam Daih Gunghcwngz" Coicaenh Minzcu Diegcomzyouq Beksingq Saedceij Gaijndei Caeuq Ginghci Hwngfat

南宁:推进“三大工程”促进民族聚居区民生改善及经济发展

Gaenh bi neix daeuj, Namzningz Si Minzcunghveij haenqrengz doicaenh sam daih gunghcwngz, coicaenh minzcu diegcomzyouq beksingq saedceij gaijndei caeuq ginghci hwngfat, aeundaec cingzyauq haemq ndei.

It dwg minzcu yangh giekdae sezsih laebndei gunghcwngz. Daj bi 2009 hainduj, Namzningz Si Minzcunghveij boiqhab Siveij, Si Cwngfuj laebdaeb 3 bi bued roengz ik lai maenz. Yungh guh Majsanh Yen Gujcai Yauzcuz Yangh, Lijdangh Yauzcuz Yangh caeuq Sanglinz Yen Cinhih Yauzcuz Yangh daengj 3 aen minzcu yangh saedhengz roenloh mbanj, suiqli, vwnzva, gyauyuz, veiswng daengj hanghmoeg 300 lai aen. Lij aeu 3 aen minzcu yangh bungz 10 hopbi yanghging guh seizndei, boiqhab Siveij, Si Cwngfuj faenbied vih 3 aen minzcu yangh anbaiz 1000 fanh maenz yanghging cienhangh ngaenzcienz,

doengzseiz gak gaep gak bumwnz gungh bued roengz ngaenzcienz 1.45 ik maenz bangcoh 3 aen minzcu yangh gaijndei giekdae diuzgienth.

Ngeih dwg 20 ranz doxroengz mbanj minzcu "sam hoj" gaijndei gunghcwngz. Bi 2014, Namzningz Si Minzcunghveij ginggvaq diucac yenzgiu fatyienh, Sanglinz, Majsanh, Lungzanh 3 yienh 20 ranz doxroengz siujsoq minzcu mbanj comzyouq lij miz gij vwndiz caengz doeng roen, caengz doeng dien, gwn raemx hoj, vih gaijgez doenghgi vwndiz neix, aen vej neix gaenxmaenx yiengq Si Cwngfuj bauq, ginggvaq Si Cwngfuj lai baez hai hoih doxyaeng, bi 2015, Si Caizcwng anbaiz cienhangh ngaenzcienz 806.8 fanh maenz yungh guh Sanglinz, Majsanh, Lungzanh sam yienh 20 ranz doxroengz siujsoq minzcu mbanj comzyouq minzswng gaijndei bangfuz gunghcwngz roen doeng mbanj hanghmoeg, saedsaeh

fat roengz hanghmoeg 33 aen, coih guh roen doeng mbanj 54.42 goengleix.

Sam dwg minzmou minzbij daezswng gunghcwngz. Bi 2011, Namzningz Si youq daengx gih daiqdaez laeb ngaenzcienz bangcoengh giyez dinghdiemj guh doxgaiq siujsoq minzcu yungh 200 fanh maenz, bi 2013 hainduj daezsang daengz 500 fanh maenz, yungh guh senhconz doigvangq huq yw minzcu, bangcoengh hwngfat gij doxgaiq vwnzdij siujsoq minzcu, bauq guekgya minzbij giyez swngcanj boujdiep ngaenzcienz boiqdaug daengj. Gaenh sam bi neix daeuj, daengx si miz 48 aen giyez guh huq minzcu aeu yungh haenx, 106 aen giyez minzcu mouyi gungh ndaej Cunghyangh Caizcwng diepsik 3.09 ik maenz, diepsik soqmoeg youq daengx gih vih daih'it, hong minzmou minzbij daj doeklaeng yamq haeuj hangzlied daengx guek senhcien hawsingz. (Veiz Yenzfuz/韦元福)

SIUSIK DINJ

简讯

● Ndwencieng geizgan, Yungzsuij Ranzmyauz Mbanjdung foenfoen haiguh "dwk doengznienz" hozdung, cawj hek song mbiengj doenggvaq yien vaiz humx doengznienz, aenvenz caijdangz, aenvenz beij yiengj daengj, gyalai vunzlai doxrox doxgiet. "Dwk doengznienz" dwg gij fung-sug mbanj caeuq mbanj doxgyau coicaenh cingz-ngeih siujsoq minzcu dangdieg, hix dwg gij bingzdaiz bouxcoz dangdieg ra bouxyoux, vunzmbanj camgya hozdung haenx dox heuh baenz "doengznienz".

(Lungz Dauh)

● 2 nyied 4 hauh, Sanhgyangh Duncuz Swciyen Fuluz Myauzcuz Yangh Gauh'an Cunh banh conzdungj caijdangz hozdung bi gvaq mbat haenx, vunzlai dangdieg yungh golaux Duncuz, aenvenz caijdangz, dohyeh Duncuz daengj minzsuz hozdung lai cungj lai yiengh angqhoh cieng moq.

(Gungh Bujangh)

● 2 nyied 5 hauh banhaemh, Cingsih Si Vadung Cin Lihingz Cunh Mbanhginghlinz banh angqhoh ndwencieng vanjvei, gij cezmuz vunzlai gag bien gag yienj miz gagciengq, diuqfoux, moeglaenz daengj lai cungj hingzsik, cezmuz lai cungj lai yiengh, yinx ndaej haujlai vunzmbanj mbanj henzyawj daeuj yawjngonz.

(Vangz Anhcungh)

● Mboengqneix, youq ndaw suen mak Liu Houanh Luzcai Yen Liujcouh Si, miz haujlai bouxhek ndang daenj buhvaq minzcu youq ndaw suen mbaet mak. Aen yienh neix ndaem makdoengj diengz fanh lai moux, bi ndaej mak 150 fanh goenggaen, makdoengj diengz Luzcai dangguh 20 bi daeuj baez daeuz ndaej an coh baenz makdoengj binjcungj moq, dwg cungj mak Liujcouh Si aen daih'it gag cauxmoq miz cihsiz canjgienz he.

(Cinz Yizcau)

Mbanjmyauz Aenvenz Caijdangz Hoh Cieng Moq

苗寨芦笙踩蹯庆新春

2 nyied 5 hauh(liggaueq ndwencieng cogouj), Yungzanh Yen Cangzanh Cin Anhningz Cunh Mbanjdabauz Mbanjmyauz banh "ciet go'em" ngoenzciet conzdungj Myauzcuz, beixnuengx Myauzcuz dangdieg boq aenvenz, diuq foux caijdangz, angqhoh cieng moq, doengzseiz, yinx ndaej haujlai bouxhek daeuj daejniemh caeuq bae roxnyinh minzsuz conzdungj Myauzcuz. Ndaw doz dwg beixnuengx Myauzcuz hawj bouxhek gwn "laeuj laengzroen". (Danz Gaijinhg/谭凯兴)



Nazboh Yen Banh Bi 2017 Ndwencieng Siujsoq Minzcu Vunzlai Cunzyouz Hozdung Hainduj Yizsi

那坡县举行2017年春节少数民族群众巡游活动启动仪式

2 nyied 4 hauh, Nazboh Yenveij, Yen Cwngfuj youq Yen Yinzminz Gvangjangz banh bi 2017 ndwencieng siujsoq minzcu vunzlai cunzyouz hozdung hainduj yizsi, 400 lai boux vunzlai gak siujsoq minzcu aen yienh neix camgya aen yizsi neix.

Hainduj yizsi gietsat, daengxcungq vunzlai siujsoq minzcu camgya hainduj yizsi haenx camgya le Nazboh Yen bi 2017 ndwencieng siujsoq minzcu "henzyaiq angqyangz, Mbanjcuengh

huzndei" cunzyouz hozdung. Cunzyouz hozdung daengx doih ga byaij, daj Yen Yinzminz Gvangjangz haidin, riengz "Diemqlaeuj Nanzfungh-Gyauhgingj dadui-Yen Yinzminz Yinzhangz Lugouj-Diemqlaeuj Mubenh-Yen Minzcwng Giz-Yen Gyauyuz Giz-Yen Yinzminz Gvangjangz" byaij, daengx loh raez daih'iek 5000 mij.

Ciuq cam rox, banh baez coux cieng moq siujsoq minzcu vunzlai cunzyouz hozdung neix, muzdiz caenh-

itbough fungfouq gij cingsaenz vwnzva saedceij vunzlai gak cuz, cungfaen langhbaij gij saedceij moq, funghsang moq, yienghsiengq moq vunzlai gak cuz, youq gwnzbiengz caux ok gij heiqfaenh ngoenzciet cangqheiq, doxhwnj, vwnzmingz, bingzan huzndei, hawj vunzlai gak cuz caez doxgyau, dox baedauq, doxyungz, cungfaen langhbaij gij yinxdaeuz "minzcu doxgiet daengx ranz caen".

(Lungz Yici/隆玉志 Yi Yezvaz/玉月华)